



ქალაქ ფოთის მუნიციპალიტეტის საკრებულო



## განკარგულება № 6/9

2023 წლის 12 აგვისტო

### ქალაქი ფოთი

ქალაქ ფოთის მუნიციპალიტეტის ადმინისტრაციულ საზღვრებში შავი ზღვის სანაპირო ზოლში ზომამცირე გემების ბაზირების პუნქტების ადგილების განსაზღვრის შესახებ

ქალაქ ფოთის მუნიციპალიტეტის საკრებულო აღნიშნავს, რომ ქალაქ ფოთის მუნიციპალიტეტის მერს განცხადებით მიმართეს მოქალაქეებმა და ითხოვეს ქალაქ ფოთში მალთაყვის უბანში, ზღვის აკვატორიაში, სანაპიროს გასწვრივ 25 მეტრისა და სანაპიროდან 100 მეტრის სიღრმეში ზომამცირე გემების ბაზირების პუნქტების განსაზღვრა.

„სახელმწიფო საზღვრის რეჟიმისა და დაცვის წესის დამტკიცების შესახებ“ საქართველოს მთავრობის 2013 წლის 30 დეკემბრის #386 დადგენილებით დამტკიცებული წესის №4 დანართის მე-3 მუხლის მე-9 პუნქტის შესაბამისად, ბაზირების პუნქტების (მათ შორის, რეკრეაციულ ადგილებში) მოწყობის საკითხს წყვეტს და ბაზირების პუნქტების მოწყობის ადგილს განსაზღვრავს ადგილობრივი თვითმმართველობის შესაბამისი ორგანო, საქართველოს შინაგან საქმეთა სამინისტროს სახელმწიფო საქვეუწყებო დაწესებულება – საქართველოს სასაზღვრო პოლიციის სანაპირო დაცვის დეპარტამენტთან შეთანხმებით.

საქართველოს შინაგან საქმეთა სამინისტროს სახელმწიფო საქვეუწყებო დაწესებულება – საქართველოს სასაზღვრო პოლიციის სანაპირო დაცვის დეპარტამენტის, 2023 წლის 20 მარტის, № MIA 2 23 00788216 წერილით დადგენილია, რომ უწყებას შავი ზღვის სანაპირო ზოლში, მალთაყვის უბანში, ზომამცირე გემების ბაზირების პუნქტების განსაზღვრასთან დაკავშირებით საწინააღმდეგო პოზიცია არ გააჩნია (თანდართულ სიტუაციურ გეგმებში მითითებული ტერიტორიის შესაბამისად).

„ადგილობრივი თვითმმართველობის კოდექსის“ საქართველოს ორგანული კანონის 24-ე მუხლის მე-3 პუნქტის შესაბამისად, თუ, საქართველოს კანონმდებლობა არ განსაზღვრავს მუნიციპალიტეტის საკუთარი ან დელეგირებული უფლებამოსილების განხორციელებისთვის პასუხისმგებელ ორგანოს, აღნიშნულ უფლებამოსილებას ახორციელებს მუნიციპალიტეტის საკრებულო ან მუნიციპალიტეტის საკრებულოს დავალებით მუნიციპალიტეტის მერი.

აღნიშნულიდან გამომდინარე:

#### მუხლი 1.

ქალაქ ფოთის მუნიციპალიტეტის ადმინისტრაციულ საზღვრებში შავი ზღვის სანაპირო ზოლში ზომამცირე გემების ბაზირების პუნქტებად განისაზღვროს: მალთაყვის უბანში, ზღვის აკვატორიაში სანაპიროს გასწვრივ 25 მეტრისა და სანაპიროდან 100 მეტრის სიღრმეში ზომამცირე გემების ბაზირების პუნქტები, განკარგულებაზე თანდართული სიტუაციური გეგმების შესაბამისად, 2023 წლის 15 ნოემბრამდე.

#### მუხლი 2.

ქალაქ ფოთის მუნიციპალიტეტის საკრებულოს განკარგულებით, არსებული საჭიროებიდან გამომდინარე საქართველოს შინაგან საქმეთა სამინისტროს სახელმწიფო საქვეუწყებო დაწესებულება – საქართველოს სასაზღვრო პოლიციის სანაპირო დაცვის დეპარტამენტთან შეთანხმებით შესაძლებელია შეიცვალოს ქალაქ ფოთის მუნიციპალიტეტის ადმინისტრაციულ საზღვრებში შავი ზღვის სანაპირო ზოლში ზომამცირე გემების ბაზირების პუნქტები.

**მუხლი 3.**

ბაზირების პუნქტების მოწყობის, ზომამცირე გემებით სარგებლობის და ცურვის წესები განისაზღვრება „სახელმწიფო საზღვრის რეჟიმისა და დაცვის წესების დამტკიცების შესახებ“ საქართველოს მთავრობის 2013 წლის 30 დეკემბრის #386 დადგენილებისა და მოქმედი სამართლებრივი აქტების შესაბამისად.

**მუხლი 4.**

მიღებული განკარგულების შესახებ ეცნობოს საქართველოს შინაგან საქმეთა სამინისტროს სახელმწიფო საქვეუწყებო დაწესებულებას – საქართველოს სასაზღვრო პოლიციის სანაპირო დაცვის დეპარტამენტს.

**მუხლი 5.**


საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, აღმაშენებლის ქუჩა №3).

**მუხლი 6.**


განკარგულება ძალაშია 2023 წლის 12 აპრილიდან.

საკრებულოს თავმჯდომარე

ალექსანდრე ტყებუჩავა




፩፻፭፻፬



აერ ზაგო

100  
25



აერ ზაგო  
მ. 1:5000

გარიბაშვილი

ცენტრ

